



國家清史編纂委員會·文獻叢刊

四編

清代稿鈔本

第一九一冊

國家清史編纂委員會·文獻叢刊

四編

清代稿鈔本

第一九一冊

廣東省立中山圖書館
中山大學圖書館

編

主編 桑兵
副主編 李昭醇
程煥文 劉洪輝

廣東省出版集團
廣東人民出版社
·廣州·

第一九一冊目錄

廣東全省海圖總說	一
希臘春秋	四〇七
告示彙鈔	五〇九

廣東全省海圖總說

不分卷

佚名輯

鈔本

廣東全省海圖總說

形勢總說

廣東全省三面瀕海東南值呂宋羣島南對婆羅大洲西南際越南東境海面遼闊總名南洋屬省境海岸延袤迴繞二千餘里轄地既廣控制綦繁海疆扼要形備於圖勢具於說方今輪艘帆泊絡繹往來其駕駛防禦之機宜當有以區分部居撮舉總目類若

方言稱謂之別古今名號之殊謹疏列總說備參方
畧大凡汪洋巨浸涵包大地古人通謂之海今人分
為二名寰瀛周通涯涘無際名曰外洋勢利於戰
近腹地島港環錯名曰內海勢利於守揆察形勢巡

防兼施按其通阻夷險在口岸則當扼屯駐之衝在
洋面則尤憑駕駛之利覈要舉名詮釋涯畧其邊岸

山勢蜿蜒斗伸出海者曰崎亦曰角亦曰頭

形若獸
頭卧枕

地^平粵人謂之漚岡嶺崇峻為海面表識航舶視作準

望故其巔可置燈塔

亦曰燈樓

遠照圍徑百餘里建築礮

臺可拒數面是為防海最要之地此漚角之大勢也

其山矗海中內附坡陀壤地者曰島四週環水平坦

者曰洲

潮落新現洲灘或謂之沙

粵人統謂之嶼可以儲糧息兵

修船寄碇洲島大小無定形西人視之若無尺寸可

棄之土附近內岸之處易為寇資因地設防尤宜慎

因此島嶼之大勢也其曲岸環抱海渚其中廣大者

曰灣小者曰澳

形如箕圜或如弓弧

雷廉以西謂之瀾或環口

極窄中有水泊者亦曰湖大率可以寄旋避風惟潮

溜不至畧漲餘波多有沙綫橫界環口或虞膠淺西

人謂之沙互設防繁盛之埠或在灣內則宜於環口

對築礮臺此灣澳之大勢也其川渠達海之口或嶼

岸對束之口皆曰門蓋商舶之通衢即兵輪之津要

門所以關鍵出入其為重地可知是可審形築臺安礮防守兼伏電雷阻塞船路特其形勢有二端山岸陡束崖石峻嶒顯然巖關人所易見至若灘津平曠海水漲漫廣若大洋實則海底沙磧淤澱束為極狹水槽礮彈所注守門有準亦謂之門蓋因勢定名此口門之大勢也其拳石獨聳或顯或隱或出沒於海潮上下者皆名曰礁亦曰磧羣石聯翩附岸者高雷

人謂之砬西人概曰石惟分其名常顯者曰露石常
隱者曰隱石遇潮漲始隱而水痕有別者曰漲蕩石
遇潮漲尚微露而浪激成瀑者曰浪瀑石遇潮半漲
即隱者曰半潮石凡乘輪揚帆破浪直進偶測向之
未準或轉舵之不時往往觸礁致險巡防駕駛極宜
審慎此礁磧之大勢也其川渠分支通流達海者曰
港亦曰汊粵人謂之涌水流蟠曲者謂之濬或曰狹

而流深或外寬而內險紆以沙界障以葦灘是可設
伏魚雷船艇邀截內窺之寇我能出而寇不能入且
西人於淺狹港口不甚注意量測而我則魚雷艇入
水甚淺行駛靈便足以攻其無備抑亦制勝之方此
涌港之大勢也其潮溜挾沙傍淤成淺屈曲於海底
分界者曰沙綫輒底淺浪船易誤膠凡水面下由漸
而深者謂之陂界驟然即淺者謂之陡界陂界易備

陡界難防大率附岸居多若伏電雷當置沙界之外

沙界亦分隱顯出沒常顯者曰沙灘隱者曰沙界形

詳各圖

以沙灘為實綫沙界為虛綫出沒隨潮者此虛綫密點常隱者虛綫疏點空頭無所附接

沙綫之大勢也至若船塢

粵人亦稱船澳

當置於都會商埠

且在海濱石巖之下庶不至溜遠沙淤柵木闌石梗

阻兵輪當列於支分海口庶不至障礙通津其有各

地異名今昔殊勢山形高下礮臺興廢

案凡沿海舊礮臺悉創築

於康熙五十六年謹詳列各圖說若海底之質或為
分圖說內不具載
泥石為珊瑚為蛤壳之別及海道淺深尺寸均詳分
圖是篇總舉全省海勢大綱以為各圖說之畧例

營防總說

自邇來大開海禁輪舶周徧地球粵洋為西國由地
中海東達中土所首經之道本省海岸畧分四路廣
州一府水陸都會外控六門居全省之中為中路迤

東惠州潮州兩府左接閩洋右轄平海為東路迤西
高州雷州廉州三府曲崎廣澳毘界越南為西路瓊
州一府山島環海自成一域為南路凡府廳州縣海
岸分界具列各圖其各營經制分汛暨防勇駐紮處
所均詳分說惟營制今昔不一將弁移調不時謹臚
舉總綱以光緒十二年為定

按圖以防海為重是以
經制各營專列沿海水

師其陸營有關海防者列分圖說
內至營勇專防海岸附列本篇

廣東水師提督統轄提標中左右前後五營香山協

三營左右兩營及前山營順德協左右兩營大鵬協左右兩營

新會左右兩營水師提督一員駐紮虎門寨巡防汛

地東至新安縣大鵬所與碣石鎮標西扼新會縣崖

門與高州鎮標北防番禺東莞順德各縣珠江內海

當中路廣州府洋海要道巡防廣州府屬海面惟凡

十四營

碣石鎮水師總兵所轄碣石鎮標中左右三營平海

營一營總兵官一員駐碣石衛城巡防汛地東至惠

來縣神泉所

與南澳鎮海門營分界

西抵歸善縣墩頭汛

與提標大

鵬協左營分界

當東路惠州府南面海道

巡防惠州府海面畧及潮州府惠來

縣境

凡四營

南澳鎮水師總兵所轄南澳鎮標左右兩營

左營歸福建界

內澄海左右兩營達濠營一營海門營一營總兵官